

南志 121

72243

萊陽縣志

第壹册

卷

首

序

纂修姓氏

凡例

目錄

圖攷

大事記

地
11
42
117/13
22
1

序

修現代之縣志其詳略多與往昔異宜萊陽縣志創於明季續於清初其間雖屢經變亂而國體與政體無殊士民亦各守食舊服先之遺俗建設少而人事無多故兩志所載往往有今所宜略者詳而宜詳者略觀其於農工鄉俗河流山脉等多未詳及而諭旨勅詔雜記頌贊詩賦等則獨作一大領域固沿修志之舊例殆亦時勢使然歟民國二十二年 省令各縣修志前任楊縣長延聘名流設所編纂事未歲而去職及余承乏斯邑雖以簿書鞅掌未遑時時到所相與朝夕從事然竊以爲時勢愈變則人事愈繁繁則建設與因革必不能一一悉如古所云當此之時儻無明達之學識綜核名實以斟酌適當書成而後不獨於潮流之趨勢文化

萊陽縣志

卷首

序

二

之進步有礙卽上之 省府頒之全縣亦不足供通志之採擇而使後之踵事者增美也故修現代之縣志其事又倍難於往昔今賴諸君子之力全書脫稿括爲輿地政治人事三志而別爲十二綱以子目分類相屬所詳者或重述前志或逕補其闕或附之以說明或申之以考辨或直陳利弊而明指是非要以直筆爲旨歸所略者大抵於世道人心國計民生無甚關係之事實與文詞刪其繁而易之以典要諸君子之用意可謂深切著明矣披覽之下感佩殊深爰贅數言弁諸卷首於全書之精義不敢謂綜括靡遺然謂爲合時勢之需得詳略之宜則敢信閱是編者之必能百口一詞也

中華民國二十四年署萊陽縣長河北大城梁秉錕序

序

縣志者記載一縣之政事文獻上以供國史之採摭下以作行政之標準者也中國自秦以前侯國壤錯其規模卽今之一縣操觚執簡例有專責故其史爲最詳若晉之乘楚之檮杌魯之春秋其尤著也厥後封建易爲郡縣政體稍改革而史事之編述未之或廢故漢晉以下有一朝之史有一縣之史有一家一人之史綱舉目張繁而不殺而其囊括一家一人之史供國史要刪者厥爲一縣之史然則縣志顧不重哉民國二十一年十月余捧檄萊陽時軍事旁午在城外水溝頭鎮辦公急物色縣志讀之以資考鏡知已二百餘年失修爲悵惘久之夫日月者逝而不留者也舟遷夜壑昧者不知也宇宙萬事萬物之遞嬗若驟若馳縣志旣爲一縣

萊陽縣志

卷首

序

一二

政事文獻之總會而失修已久何以免遺漏而昭來許况自共和肇造百度維新一切官制民俗禮樂政教月異而歲不同聽其殘闕可乎然而當時于增修之事有志未遑也嗣軍事旣定縣政府移入城內瘡痍滿目民不聊生因與縣父老謀善後募捐款電

省府請賑請豁免丁銀雜稅日不暇給尤無裕餘以談史事所幸時逾半載民氣稍蘇縣政府亦稍覺清晏特召集各機關領袖各區長各鄉鎮長而告之曰萊陽縣志失修不僅有官守者之羞亦全縣士夫之恥也諸公合羣策羣力以謀續輯何如僉曰然因延聘名流設所編纂並呈請立案仰荷批准正在着手調查而余於二十二年十月去職竊竊然抱杞憂以爲前功難竟也旋 省府通令各縣修志繼任梁縣長尤熱心提倡于是廣續督修期月歲

事逃聽之下歡躍莫名以爲私衷所顧慮者今而後釋然矣既而又思天下事成否有時然非主持之人運以精心行以毅力則亦未易收美滿效果今者萊陽縣志有王揆堯先生任總纂有于汝舟王崑玉諸先生任分纂兼才學識三長而又精心毅力度越恒流其能使輿地政治人事諸大端粲乎隱隱瞭如指掌也亦固其所然則後之官斯土者手此一編不至冥行擿埴卽以備省志國史之搜羅亦無放失難稽之嘆矣因略叙顛末弁諸簡端

中華民國二十四年一月前萊陽縣長臨沂楊酉桂序

初志序

萬曆禩在庚辰不佞承乏茲邑政暇邑大夫偕陟背郭亭山之巔
遠矚旌旗望石馬山諸峯蜿蜒三面南匯以滄海碧流襟帶翠巘
揖讓珍木蔚蒼瀨光組繡固東郡奧壤哉詢撫圖版志獨稱缺則
曰此予司士者責也居無何僉憲咸公自雲中謝兵符歸卽慨然
與邑庠譚生司纂修之任而廷尉張公侍御孫公節推左公相與
訂正之遂爲一邑全史勒茲懿典垂之永永銀旣成不佞捧而讀
之則見其事該其旨遠其文正而不俚有輔于通志有裨于風教
足成一家之言矣然不佞竊有幸焉夫美稼不發礪确修松不挺
培塿斯固然矣若乃楨高而築堵不繼表正而影式弗端則求詣
司教者焉不佞竊祿茲士治邑無狀職之溺也甚矣獨幸萊之山
川無恙年穀屢登卽窮巖邃谷舉喁喁謳歌聖明元化其文物不
斌斌际諸邑過之將無煩于治理也且矯首張目復有新志師範
在焉司教者不藉是以釋媿矣乎是則宜傳也已

萬曆十五年歲次癸未五月旣望文林郎知萊陽縣事雍韓程時
建撰

初志序

余萊舊無志有志自程公大河始志胡始於程公也粵自余解綬之明年程公奉天子璽書宰余邑下車之初濬治源崇教本剔蠹滌苛爲萊人翹首跂足所願罷行者率次第見之行事四封內蒸蒸登於理矣政暇諏及邑志僉以亡對卽慨然曰無志是無邑也夫今不紀則土田貢賦漫無所據英賢淑媛闕而弗彰後將何微願及今共圖之迺屬余與庠彥譚君司纂修之責於是編摩揚挖撰次校讎本之郡乘參之一統山東諸志及士大夫家藏凡苔碑蘇刻寂落於故墟煙莽之間遺蹟搜括殆盡三閱月而書成焉首志天文昭鑒戒也繼志地理表封域也天地明察人事可施次之以民政陽城飭行晉鄙薰良次之以風俗思政懷棠望峴墮

萊陽縣志

卷首

序

五

淚則次之以名宦地靈人傑豔帛馥竹又次之以鄉賢奇葩麗藻華國光邦故以藝文終焉爲書凡八卷一邑典故燦然具備文獻其足徵乎後之生於斯吏於斯者展而讀焉閱其人論其世瞭焉鑒往勃焉思奮豈無軫歎山瀕海之苦而緩其征科者乎豈無憫窮陬僻邑之陋而振其文教者乎又豈無繩然合肥文卿諸人之賢而思弦歌俎豆於其側者乎上裨治理下關風教所系良非尠淺程公之功亦偉也已獨念余才匪三長濫竽茲役每誦先正有云潦浸牛涔燭炫螢尾傳言失旨圖影失真蓋方負大懼焉

萬曆壬午三月旣望賜進士第奉政大夫整飭大同等處兵備前奉勅分巡隴右道巡禁茶馬兼理屯田山西按察司僉事邑人咸

懷良撰

續志序

萊巖邑也幅員之闊戶口之繁賦稅之多科第之盛於諸邑中最爲雄長或曰萊古萊國也或曰以其在萊郡之陽故曰萊陽嘗攷夾谷之會萊志偏好而迄於今猶稱難治豈山川爲之耶抑風俗爲之耶余下車時卽欲索邑志一覽不可得偶得殘籍一帙十存一二乃萬曆初年志也然萊之冠蓋相望絃誦不輟皆在隆萬以後兵火頻仍亂離多故亦在隆萬以後是安可湮滅而不傳哉頃承兪旨徵取邑志遂廣肆蒐羅縉紳各出其家譜父老咸述所見聞迺以疆域爲一書建置食貨學校典禮各爲一書選舉官師人物外紀藝文各爲一書共成十志千餘年之遺跡數百里之規模瞭若指掌矣其或不詳不備與夫日新月盛者所望後之君子踵

萊陽縣志

卷首

序

六

事增美庶斯志與斯邑同不朽於天壤也夫

康熙十二年歲次癸丑菊月上浣之吉日賜進士文林郎知萊陽縣事楚麻城萬邦維謹序

續志序

邑應乎宿人鞏乎邑山川毓乎人德業文章鍾於川靈山秀洵莫重於志矣志何昉乎始而結繩漸而書契旣而憲典國乘以及稗官野史皆以名志志固經之裔史之翼也禹貢所紀田賦高下墳墟黎赤與夫篠蕩箇籛龜魚之細周禮職方則及於山藪川浸男女畜擾之粗而班孟堅作地理志尤詳於政治風俗奢儉緩急之宜繼此魏俊民桂文襄羅文恭等復孜孜於形勢阨塞封疆壺橐之計其爲紀載不一類於以辨方域識文物則一也蓋統志因乎省郡省郡因乎縣志故縣志爲最詳萊陽爲古萊子國素稱巖邑景物人文甲山左數百年來其間山川之蒼莽人物之班次土風之沿革草木蟲魚之畜產或遺而不存或略而不詳無他失所志

萊陽縣志

卷首

序

七

焉故也自我清定鼎彙一統志爲詳且盡矣歲橫艾困敦我皇上詔天下郡縣纂修志典殘籍維新文明於爍猗歟何風之隆也時松谿萬公任萊邑毅然以作志爲己任見夫海濱廣斥幅員寥闊而靡所紀極也則志疆輿建置見夫風俗澆漓庶類繁雜而靡所究稽也則志典禮外紀見夫守牧失人則朘民生惟正缺供戶口消耗則傷國脉而靡所補救也則志官師食貨雖然猶未足以盡志也教化爲人之模範則學校於是乎志俊髦爲人之楨幹則人物於是乎志而且志貢舉則昭科名榮蔭之所由隆志藝文則備德業學術之所由考雖爲一邑之事而義則通乎天下雖爲一時之事而理則周乎百世誠甚盛典也然而蒐羅具備典章有缺條目臚列刊刻未竣有初鮮終邑人惜之洎余分符茲土簿書執掌

之餘問及一邑乘書而舊章無有存者一日太史張公持殘編授
余命余落成爰彙覽全集正其訛補其偏俾蒼莽之山川有稽班
次之人物有稽風土之沿革有稽畜產之草木蟲魚有稽凡蒞茲
邑者撫今思昔起弊維衰不有以扶進醇風而臻厥上理也哉萬
公創始於前遵令甲也余不佞纂成於後續不備也倘後之君子
起而討論之修飾之增其所遺詳其所略其以斯志爲華路藍縷
也可

康熙十七年文林郎知萊陽縣事浙長興衛元爵撰

續志序

往余憲中州備兵於申而蓐食於光無暇晷郡邑上志輒馬上讀之雖未悉了得其大凡閱今十年需次山中萬松谿使君手鄒故使君所纂邑乘造廬請益余孫謝不遑乃坐使君與商邑事得凡九十有三爲目而作十志爲綱統之庶不紊毋使君趨之乃前
先向寶兄子重潤時解莘綬家食親與莘乘之役且羣年多熟邑舊事而喜爲古文詞因以屬之每就草一則必相細訂確乃呈兩使君報可付梓人葺莖六易一編成例應簡弁而理使君之勤也嗟吾萊幅員而旣廣矣北南際乎海顧漢淮襟帶也東重山走郡城西周道達京師擅樹蓄魚鹽之利賈三倍耦千耕煙火萬家不止鳴鍾比戶也雖今不昔如召故老訪軼行卽稱說不衰終掛一

萊陽縣志

卷首

序

九

漏萬也此編成而四境之山川予我以登涉矣二古之前賢要我以晤對矣三時之滋殖供我以斟酌矣絃詩尙在增我以鼓歌生死灰餘深我以涕淚矣志之功不亦弘乎不寧惟是讀致治一書不武城再見乎讀賢達一書不太丘重遇乎讀興教一書不樸械再起乎讀田畝一書不楚茨再拙乎賦役有重輕而石濠可去風俗有奢儉而封靡無稱作賦登高能名遇物均於此取信取興焉乘之葺庸可緩乎乃前茲作焉而弗有後起成之而有餘人或稱前者之功什吾獨謂後者之功伯也夫乘之未成與無乘同後使君力爲成之家予一册而人挾一編以啓其忠孝勤恩之思而革其驕惰頑梗之習九鼎鏤而魑魅無逢刑書著而讒殄悉化不是類與羣工先正實拜明德毋寧茲戴髮含齒子孫永矢已也余故

樂弁簡端識兩使君乘乘之盛事云爾是爲叙

康熙丁巳午月既望之穀賜進士第中憲大夫河南按察司分巡
汝南道副使邑人張瑞徵撰

萊陽縣志

卷首

序

十一

續志序

古者列國有史官掌記時事每見國有史而郡邑無史乃有志故志亦記事之書漢孔安國謂土地所產風氣所宜皆聚於此修史者因之採擇焉是志爲郡邑之史而史爲天下之志志之缺略猶史之不備也昔司馬子長作史記不敢自比於春秋猶曰余所謂整齊世傳非所謂作也庚子余濫登賢書初宦任城已與同事重修州志訖丙辰冬秉鐸昌陽覽其地之雄勝接其士之彬彬禮義之鄉稱說至今弗衰諸務整飭加以當事者之振興絃歌有所習而士慤工愚農樸商愿莫不悉爲記載而曲爲之備事爲之制匪第地里表章之一端也試卽新輯縣志取而讀之知習俗之奢儉風氣之忠僿與夫文運之蔚起沿革之損益儼如訪之掌故山川

萊陽縣志

卷首

序

十一

人物歷歷在人眉睫間也迄今徵文者博採其風攷獻者深維其俗工用高曾重爲化之士食舊德重爲振之百年來風俗人文因其舊而新是圖是良有司事也始知前乎此者爲初吐之識後乎此者爲竟成之功述者之勳視作者而更倍較之司馬子長整齊世傳等耳異日者倣周官採郡邑志問之外史氏是志也合乎惇史彬彬郁郁浩浩穰穰文章爛然班班可考者矣余也教於庠分司徒之任雖不問戶口多寡而士禮琴頌藝文志吾其與聞之况今襄良有司共蒞茲土烏得不以一言誌其盛云

康熙戊午陽月吉日署教諭舉人趙自立撰

續志序

嘗讀漢史天官律歷有志郊祀禮樂有志蓋欲辨其異同攷其疆域也他如博物藝文不尙奇怪惟尙典核而已自古車書一統必於九州之內凡民情風俗山川土田與夫人文物產莫不紀載成書郡國有志卽一州一邑亦有志備太史之觀俟輶軒之採寔當時得失之林非稗官野史可比雖古職方任亦今日良有司事也萊邑古稱昌陽縣有夙敬鹽官土瘠而民樸士慤而風古素爲文章禮義之鄉邑之先後宰官號神君者不可悉數問其催科撫字先後盡拔薤矣問其興猷考獻先後樂典籍矣田無越畔循芍陂之規澤有舟漁效水均之法凡事之宜行者業紀之載之矣如不舍其舊而新是圖得不遵從前之約束哉雖然吾邑縣志迄今多

萊陽縣志

卷首

序

十二

年從此法良意美歷久不無可議古云更化可以善俗譬如琴瑟不調必取而更張之夫當更張而不更張之不可也不當更張而必更張之愈不可也通變宜民政在今日治去其太甚法順乎人情其惠茲一方也大矣當事者凜凜有庶幾之心靖四方息三農煥橋門之干羽固吾圉之苞桑未治期其可治已治期其可久或可述而志乎上畝中畝其額丈當詳者幾何數遠鄉近社其煙竈當清者幾何家禮何以不失於野而儀象可志也祀何以不至於黷而誠敬可志也忠臣孝子何以志其性情烈女貞婦何以志其堅苦松谿萬公取其舊志與紳士耆老約就已成之書再爲續成自今以始利不可不興興利必求其無害害不可不除除害必求其有利志將成未幾而萬邑侯陞京秩去長興衛鈍菴父母至慈

祥豈弟別釐不止一端尤雅好文事急取萬公將成之志缺則補之訛則正之善善欲其長惡惡欲其短庶幾昭代名儒並隆乎綸綍熙朝碩彥特達乎珪璋是非之公三代之直悉從此出後有君子或曰可述而志矣是書成藏之鄉校可以察民好惡可以觀政得失吾邑不朽之文也亦司牧不朽之業也是爲序

賜進士第奉直大夫禮部清吏精膳司主事邑人趙崙題

續志序

蓋聞畫必資乎已，選鑑用澈于將來，然非創無以善乎，因而非止無以加乎。進有開有繼，令俶令終，雖後先不同而均乎敏戎功。萊爲巨邑，版章孔厚，魚鹽牧畜夾東海諸邑，而士愿農慤，惻惻無華，無論三古無傳，有明二百年間亦堇堇有聞，人文獻無徵，邑乘缺略，自明萬曆壬午先令程侯暨先政咸公乃始肇修以前之文武典章，班班可考，已而向後無聞，非所以表彰盛美也。夫吾邑佳會實在啓禎辛酉，以往壬午以還二十年間，一時甲第二十餘家，位列清華，姻婭聯仕，耦千足百弱，肉強食甚而卻轍鮮克，吾見也。幾以致赤白蒼黃，墮城飛火，前編已滅，後冊未彰，然而無有乎爾行，且祀宋無徵矣。又况鼎革以來三十餘年，小加賤妨，漸不可長。

萊陽縣志

卷首

序

十四

先皇赫然振綱維貞百度，今上龍興嗣起四海，敷文典策，攸彰烏可無記。幸際蒐乘之會，政以載筆之時，維是亭州萬侯作之于前，長興衛侯繼之于後，是編乃成。余撫卷而歎曰：志何爲而作乎？古帝閔斯民而思富教之，則陳詩以觀列風，于是補救有章，匡輔無失。迨夫詩亡，世亂素王隱憂，爰作春秋以明大法，厥後腐遷班范踵事增華，典型具悉。春秋者其史之祖，而志更其子孫乎？今觀其經緯相天，疆域界地，因革任時，重輕本俗，紀山川土田戶口賦稅財用物殖而富之，書備記學校兵衛官師人物節廉忠孝而教之，書備度之宜之奚必家哺而戶給，面命而耳提，但不損無藻若增，僞無成若漸富也。粒粒矣學道以言法教化以文法自教也。彬彬矣有其始之而闕其成，模有其卒之而殫厥令緒。二沾河伯七子。

山靈資我兩賢侯左提右絜物華天寶實式憑之以光揚我萬世
不亦休歟是書上太史有陳天子式觀曰東牟大如螭迺踵有良
吏能恤民敬典如斯前被之以黼黻而後錫之以高車不斯民斯
世之隆觀與然則儻焉弗聞听然自笑倘有古道炤顏者非今斯
今有感于斯人庶有感于斯文云爾

康熙十七年歲次戊午邑人七十五翁張重潤謹叙

續志後跋

粵稽周禮小史掌邦國之志外史掌四方之志志者紀事之書也大則方版小則簡牘而已萊邑有志燔於亂間拾殘帙率湮蠹漫漶論世者不無文獻之慮焉國朝前令萬侯肇造未半俄內召去幸際鈍庵衛夫子才學識爲一代龍門于拊咻蒼赤之暇怒焉懼邑乘之中斷綜理舊緒日進邑之博物諸君子延禮其尤者或多識畜德于祖父得諸聞于高曾得諸傳聞有世受之青箱在或樂觀時變士女之好尚巷聚之謳謠有槩鉛之野錄在有長於審利病而物物謹始以備韋弦者有嚴於辨是非而言言端本以垂典則者莫不與之引繩批根發凡起例取通達國體者書之取隱民疾苦足以動宸衷者書之取鴻章遠猷維風教表翼人倫者書之

萊陽縣志

卷首

序

十六

非是者繁蕪紕繆弗錄荒略訛僞弗錄潛移愛憎弗錄務期簡要閱績公而不阿華不傷縛者勒爲一代成書則千秋之信史始基之矣愚竊有感焉吾邑人文物華二東之方百里者莫與京何以近代雉堞傾圮不踰兩周甲毋亦治忽促促等諸火中昏且與抑以人氣憤盈爲厲爲孽屯剝乘之創艾若踐更乎則今日之志所祈躋斯民于仁壽者惟是披卷知益掩卷興思父兄之教日新子弟之率愈謹士飭廉隅農服先疇工不徙業賈恥飾價會見協氣橫流太和匝萊山萊水間爲安堵不爲復隍億萬斯年載咏樂只豈非長國家者勿忘纂述之一言休徵哉于以登諸帝庭列之左右个烏在不與金鑑寶錄共勸聖治於無窮耶吾邑有厚倖矣清康熙十七年七十六歲深山野人王章書於守約堂